



08. november 2018

UKA2018/165

Nuna tamakkerlugu kulturikkut kingornussarsiat suussusiinik aalajangersaasussanik UPA2019-mut suleqatigiissitaliornissaannik kulturikkullu kingornussarsiat kingusinnerpaamik 2021-mi saqqummiutassatut Naalackersuisut peqquneqarnissaannik Inatsisartut aalajangiiffigisassaattut siunnersuut.

(Aleqa Hammond, Nunatta Qitornai)

IA-kkormiut (Mimi Karlsen) siunnersuuteqarput suleqatigiissitanik marlunnik pilersitsisoqassasoq taakkualugooq suleqatigiissitalu allaffissornikkut ikiorneqassasut siunnersuutigalugu.

Inuiaavugut immikkuullarissuseqarluinnartumik kulturillit aammalu inooriaaseqartut. Ileqqutta ilu-silersortarpaatigut aammalu avatangiisitta pingaartitatsinnik tunngavilertarluta.

Nammineq tulluusimaartaqaanga nunarsuarmioqatinnut kiinersinnaasunngortittarmanga tulluusi-maarutigalugu inooriaaserput, kulturerput aammalu kinaassuserput naggueqatigiit Inunnit kingoq-qisuunerput pillugu aammalu nukittoqutigalugulu kinaassuseringakku.

Kulturitta eriagisariaqartuunera ilumoorpoq siunnersuuteqartut oqarnerattuut tamannalu aamma nunatta eriaqalugu ingerlatsiffigaat politikkeqarfigiinnarnagu ingerlappaat.

Taamaamat kulturitsinni pingaartitsinerup takussutissartaasa ilagai aningaasanut inatsit aquti-galugu inatsiliornerlu aqutigalugu tunngaviit pingaaruteqarluinnartut inuiattut pigigatsigit soorlu Nunatta Katersugaasivia, Kalaallisuuliornermik ilinniarfik, Nunatta Atuagaafeqarfia, Nunatta isigin-naartitsisarfia ilai taaginnarlugit. Kulturikkut eriagisassat illersugaammata aammalu tammatsaali-sassaammata tigussaasuuppata tigussaasuunngikkaluarpataluunniit.

Naalagaaffiit Peqatigiit nunat inoqqaavisa ilisimasaat kingornussarsiaalu pillugit nalunaaruteqarput (Traditional knowledge pillugu), tamanna naalackersuisunut kaammattuutigiumavara eqqum-maariffeqqullugu inuiaassutitta ilisimasaat aallaavigalugu tunisassiortartut nunatta avataaniittut atuleraluttuinnarmassuk inuiattut ilisimasatta illersorneqarnissaanut periutsit eqqummaariffi-geqqullugit. Takusalerpavut unnaatta skuunngorlugit issuarlugit sanaartortunik, takusaleratta ili-sarnaatit kinaassutsitsinnut pingaaruteqartut assigiinngitsutigut atorneqartarneri naggueqatigiit inuussutsitsinnut tunngasut.

Naalackersuisut erseqqissaassutigaat nunatsinni katersugaasiveqarneq pillugu inatsisartut inatsisaata qulakkeeraa kingornussarsiatta tigussaasut tigussaangitsullu qulakkeernissaat pisis-

Nunatta Qitornai

Inatsisartuni



saaffigaaat. Nuna tamakkerlugu piorsarsimassutsikkut kingornussatsinnik nalunaarsuinissaq pisuusaafigaat, toqqortaateqarnissamik isumaginnissallutik ilisimatusarnermillu ingerlatsissallutik kingornalu takusassiinissaminnik isumaginnittussaallutik. Tamanna aningaasatigut inatsikkut qularnaareerparput sulilluarnerallu tamanit takuneqarsinnaavoq.

Siunnersuut taamatut isikkoqartillugu itigartipparput.